



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-023-3/25**

Datum: **06.02.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «BH-GAS» d.o.o. Sarajevo za donošenje rješenja o vodnoj dozvoli za izgrađeni dio trase magistralnog gasovoda Zenica – Travnik sa odvojcima za Busovaču i Novi Travnik i dvije PEHD cijevi za uvlačenje optičkog kabla na istoj trasi, položenih ispod korita rijeke Bosne na području grada Zenica, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, «BH-GAS» d.o.o. Sarajevo, za izgrađeni dio trase magistralnog gasovoda Zenica – Travnik sa odvojcima za Busovaču i Novi Travnik (čelična cijev Ø400 mm) i cijevi Ø200 mm koja služi za prolaz dvije PEHD cijevi za uvlačenje optičkog kabla na istoj trasi, položenih ispod korita rijeke Bosne na lokalitetu između naselja Perin Han na desnoj obali i naselja Drivuša na lijevoj obali rijeke Bosne u gradu Zenica, a u postupku pribavljanja odobrenja za upotrebu.
2. Vodna dozvola se daje na osnovu dostavljene dokumentacije, utvrđenog činjeničnog stanja, dostavljenog detaljnog dinamičkog plana i uz sljedeće uslove:
 - 2.1. Da se izgrađeni dio trase gasovoda sa dvije PEHD cijevi za uvlačenje optičkog kabla može koristiti samo u skladu sa njegovom namjenom prema dostavljenoj dokumentaciji i uslovima iz ove vodne dozvole.
 - 2.2. Da se trajno čuva raspoloživa investiciono tehnička dokumentacija koja je služila kao podloga za izdavanje ove vodne dozvole i da se na zahtjev nadležnih organa iz sektora voda stavi na uvid.
 - 2.3. Da se kod nadležnog organa grada Zenica provede postupak unošenja položaja gasovoda sa dvije PEHD cijevi u katastar podzemnih instalacija.
 - 2.4. Da se redovno vrši vizuelni pregled trase gasovoda na potezu koji prolazi ispod korita i na obalama rijeke Bosne, naročito u periodu i nakon pojave velikih voda ali i u periodu ekstremno malih voda kada je lakše uočljiva promjena i eventualna oštećenja na trasi.
 - 2.5. Da se korito i obale rijeke Bosne u slučaju eventualne pojave erozije na mjestu prolaska ispod vodotoka adekvatno zaštite u skladu sa odgovarajućim tehničkim rješenjem.
3. U periodu važenja ove dozvole, «BH-GAS» d.o.o. Sarajevo je dužan provoditi sve mjere i aktivnosti propisane ovom dozvolom i drugim internim aktima kojima je propisan način i obim kontrole i upravljanja objektom magistralnog gasovoda a koji nisu u suprotnosti sa interesima sektora voda.
4. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik dijela trase magistralnog gasovoda i trase PEHD cjevovoda za uvlačenje optičkog kabla obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom dijelu trase magistralnog gasovoda i trasi PEHD cjevovoda obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko korištenjem magistralnog gasovoda i trase PEHD cjevovoda dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. U ovoj upravnoj stvari plaćene su sve upravne takse.
9. Ova vodna dozvola, shodno članu 117. stav (1) Zakona o vodama («Službene novine Federacije BiH» broj 70/06) se daje sa rokom važenja od 15 (petnaest) godina od dana pravosnažnosti ovog rješenja.

10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, «BH-GAS» d.o.o. Sarajevo, u Agenciju je dana 15.01.2025. godine podnesen ovoj Agenciji zahtjev za izdavanje vodne dozvole za izgrađeni dio trase magistralnog gasovoda Zenica – Travnik sa odvojcima za Busovaču i Novi Travnik i dvije PEHD cijevi za uvlačenje optičkog kabla na istoj trasi, položenih ispod korita rijeke Bosne na lokalitetu između naselja Perin Han na desnoj obali i naselja Drivuša na lijevoj obali rijeke Bosne na području grada Zenica a u postupku pribavljanja odobrenja za upotrebu.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-24-009184 izdatog dana 23.07.2024. godine od strane Općinskog suda u Sarajevu,
- Ovjerena kopija Uvjerenja o poreznoj registraciji izdatog dana 17.01.2017. godine od strane Porezne uprave Federacije BiH - Kantonalni porezni ured Sarajevo,
- Kopija Rješenja o vodnoj saglasnosti broj: UP-I/25-2-40-055-3/11 izdatog dana 14.02.2011. godine od strane «Agencije za vodno područje rijeke Save» Sarajevo,
- Kopija Djelimičnog rješenja o odobrenju za građenje za dio trase magistralnog gasovoda Zenica – Travnik i to za izgradnju gasnog cjevovoda i dvije PEHD cijevi na području općina Busovača i Vitez broj: UPI/03-23-2-177/11 izdatog dana 18.11.2011. godine od strane Federalnog ministarstva prostornog uređenja,
- Kopija Dopunskog rješenja o odobrenju za građenje za dio trase magistralnog gasovoda Zenica – Travnik broj: UPI/03-23-2-177-1 ID izdatog dana 13.01.2012. godine od strane Federalnog ministarstva prostornog uređenja (za dio trase na području općina Vitez i Busovača),
- Kopija Dopunskog rješenja o odobrenju za građenje za dio trase magistralnog gasovoda Zenica – Travnik broj: UPI/03-23-2-177-2/11 izdatog dana 19.07.2012. godine od strane Federalnog ministarstva prostornog uređenja (za dio trase na području općine Zenica),
- Kopija Dopunskog rješenja o odobrenju za građenje za dio trase magistralnog gasovoda Zenica – Travnik broj: UPI/03-23-2-177-3/11 ID izdatog dana 05.09.2012. godine od strane Federalnog ministarstva prostornog uređenja (za dio trase na području općina Travnik i Novi Travnik),
- Kopija Dopunskog rješenja o odobrenju za građenje za dio trase magistralnog gasovoda Zenica – Travnik broj: UPI/03-23-2-177-4/11 ID izdatog dana 24.01.2013. godine od strane Federalnog ministarstva prostornog uređenja (za dio trase na području općine Vitez),
- Kopija Rješenja o izmjeni rješenja o odobrenju za građenje za ostatak trase magistralnog gasovoda Zenica – Travnik broj: UPI/03-23-2-177-1-1/11 ID izdatog dana 21.02.2013. godine od strane Federalnog ministarstva prostornog uređenja (za dio trase na području općine Busovača),
- Kopija Dopunskog rješenja o odobrenju za građenje za dio trase magistralnog gasovoda Zenica – Travnik broj: UPI/03-23-2-177-5/11 ID izdatog dana 23.05.2013. godine od strane Federalnog ministarstva prostornog uređenja (za dio trase na području općine Vitez),
- Kopija Uredba o organizaciji i regulaciji sektora gasne privrede («Službene novine Federacije BiH», broj 83/07, 71/21 i 91/22),
- Kopija Rješenja o vodnoj dozvoli broj: 04-21-201/20 izdatog dana 26.06.2020. godine od strane Ministarstva poljoprivrede, vodoprivrede i šumarstva Srednjobosanskog kantona (ukrštanje sa vodotokom II kategorije),
- Kopija Rješenja o okolinskoj dozvoli broj: 07-19-2693/20 izdatog dana 30.09.2020. godine od strane Ministarstva za prostorno uređenje, zaštite okoliša, povratka i stambenih poslova Srednjobosanskog kantona,
- Kopija Rješenja o vodnoj dozvoli broj: 05-21-09549-1/23 izdatog dana 04.10.2024. godine od strane Ministarstva poljoprivrede, šumarstva i vodoprivrede Zeničko dobojskog kantona (prelaz preko vodotoka II kategorije),

- Kopija Rješenja o okolinskoj dozvoli broj: 12-19-00951/21 izdatog dana 08.04.2022. godine od strane Ministarstva za prostorno uređenje, promet i komunikacije i zaštitu okoline Zeničko dobojskog kantona,
- Kopija Obavijesti o dopuni zahtjeva za izdavanje upotrebne dozvole broj: UP1-03-19-2-977/24 upućene dana 08.01.2025. godine «BH-GAS» d.o.o. Sarajevo od strane Federalnog ministarstva prostornog uređenja sa prilogom: Izvještaj o tehničkom pregledu izvedenih radova na izgradnji magistralnog gasovoda Zenica – Travnik sa odvojcima za Busovaču i Novi Travnik sa dvije PEHD cijevi za uvlačenje optičkog kabla na istoj trasi, na području gradova Zenica i Novi Travnik i općina Busovača, Vitez i Travnik od 23.12.2024. godine,
- Glavni projekat magistralnog gasovoda Zenica – Travnik – Separat ukrštanja gasovoda sa rijekom Bosnom (6002-SP-01), urađen od strane «BOSNA-S OIL» Sarajevo, «INŽENJERING ZA NAFTU I PLIN» d.o.o. Zagreb, «SARAJ INŽENJERING» d.o.o. Sarajevo i «ZEDIS» d.o.o. Zenica, novembar 2010. godine – na uvid,
- Projekat izvedenog stanja magistralnog gasovoda Zenica – Travnik (KNJIGA II – prolaz gasovoda ispod prepreka broj: 6002-CE-02A, oktobar 2013. godine) urađen od strane «MONTER-STROJARSKE MONTAŽE» d.d. Zagreb, «GP PUT» d.d. Sarajevo, «INŽENJERING ZA NAFTU I PLIN» d.o.o. Zagreb i «SARAJ INŽENJERING» d.o.o. Sarajevo – na uvid,
- Završno izvješće glavnog nadzornog inženjera radova broj: 78203010-GNI-NG_1/6530 potpisano i ovjereno dana 31. oktobra 2013. godine od strane Nebojša Grzunov, dipl.inž.građ. imenovanog od «Institut IGH» d.d. Zagreb (imenovanje broj: C03-070/2012, Zagreb 03.04.2012. godine),
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak lokaliteta označenog kao mjesto ukrštanja gasovoda sa vodotokom I kategorije (rijeka Bosna) u Zenici te je sačinjen zapisnik o izvršenom uviđaju broj: UP-1/21-3-40-023-2/25 od 31.01.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Namjena gasovoda Zenica – Travnik je da osigura transport prirodnog gasa iz postojećih i novih uvoznih dobavljača za potrebe distributera, industrijskih potrošača i specijalnih potrošača na području Zeničko dobojskog i Srednjobosanskog kantona (naseljena mjesta i industrija u Drivuši, Busovači, Kaoniku, Vitezu, Novom Travniku i Travniku) kao i budući transport gasa prema Jajcu i dalje do gasovoda koji treba da se dovede iz Hrvatske odnosno do Bugojna i Gornjeg Vakufa.

Početna trasa gasovoda Zenica - Travnik je na izlaznoj ogradi novoprojektovanog čvora Perin Han (km 0+000) u Zenici a kraj gasovoda je u Travniku (km 37+200). Gasovod se sastoji od čelične gasovodne cijevi ukopane čitavom dužinom u tlo, te uređaja i opreme koji su potrebni za njegov siguran i pouzdan rad. Ukupna dužina gasovoda je L=37,2 km. Promjer cijevi je Ø400 mm a maksimalni pritisak 50 bara. U istom rovu, paralelno sa trasom magistralnog gasovoda je položena trasa dvije PEHD cijevi Ø50 mm za uvlačenje optičkog kabla. Na samom mjestu prolaza ispod korita rijeke Bosne, cijevi za polaganje optičkog kabla su položene u PEHD cijev Ø200 mm.

Trasa gasovoda Zenica - Travnik presijeca na više mjesta veće i manje vodotoke (rijeke Bosnu, Lašvu, Večersku rijeku, Krušičku rijeku, stalne i povremene potoke). Od strane nadležnih Ministarstava za vode Zeničko dobojskog i Srednjobosanskog kantona pribavljeni su vodni akti za prolaz preko istih.

Polaganje trase magistralnog gasovoda Ø400 mm i cijevi Ø200 mm (za dvije PEHD cijevi za uvlačenje optičkog kabla) ispod korita rijeke Bosne (vodena prepreka V01 na km 0+568,97) za prelazak sa desne obale u naselju Perin Han na lijevu obalu u naselju Drivuša (uzvodno od Zenice oko 7 km) izvršeno je uvlačenjem cijevi usmjerenim bušenjem metodom HDD. Katodna zaštita cijevi izvedena je u skladu sa propisima i standardima iz ove oblasti.

Na osnovu dostavljene dokumentacije i uviđaja izvršenog na predmetnoj lokaciji, u skladu sa odredbama člana 115 do 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata a u svrhu smanjenja negativnih uticaja predmetne aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi, kojih se dužan pridržavati prilikom korištenja predmetnog dijela trase gasovoda.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku gasovoda utvrđene su obaveze u tački 4. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «BH-GAS» d.o.o. Sarajevo ispunio minimum uslova za izdavanje vodne dozvole za izgrađeni dio trase magistralnog gasovoda Zenica – Travnik sa odvojcima za Busovaču i Novi Travnik i dvije PEHD cijevi za uvlačenje optičkog kabla na istoj trasi, položenih ispod korita rijeke Bosne na području grada Zenica, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «BH-GAS» d.o.o. Sarajevo
ul Obala Kulina bana br 8, 71000 Sarajevo
- ⊖ AVP, ISV – Vodna knjiga
- Sektor 40, arhiva
- Oglasna ploča – AVP Sava